



**Nunatsinni aatsitassarsiornermi uranimik aatsitassallu allanik ulorianartunik qinngornertalinnik saniatigut tamakkiisumilluunniit paaasoqarsinnaalissanersoq avammullu niuerutiginnittoqarsinnaalissanersoq pillugu innuttaasunik taasititsiso-qarnissaanik siunnersuut, taasititsinissarlu sioqqullugu inuit ilisimasanik tamakkii-nerusunik tungavisseqqullugit paasititsiniaanerit illuinnaasiunngitsut aallarteq-qullugit Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.**  
(Inatsisartuni Inuit Ataqatigiit ilaasortaataat)  
(Siullermeerneqarnera)

Apeqqutaaginnanngilaq ilumut uranisiulernissamut aap naamimik taasititsisoqassanersoq. Aammami apeqqut nunatta politikikkikut aningaasatigullu tatiginassusaanut tunngamat.

Inatsisartuni amerlanerussuteqartut aaliangerput nunat assigiinngitsut aningaasaliisartuisa tunuliaqutigisaannik. Aaliangiineq tunuliaqutigalugu millionilikkaanik aningaasaliisoqarsimavoq. Nunatut aaliangeriataarutta aaliangersimasagut allanngortitissallugit oqariartuuteqassaagut Inatsisartuni aaliangikkavut tatiginearsinnaanngitsut. Inuit suliffeqarfiillu qularnartoqartilissavaat nunatsinni aningaasaliisinnaanertik.

Nunamut aningaasaliinissaq orniginartinneqarnaviannngilaq malittarisassat allanngorartuut. Taamaatumik politikikkikut takutitsisariaqarpugut aalajaatumik ingerlatsisinnaanermik. Nunatta tatiginassusaa politikkeritta nammatassaraat, piareersimassasut aaliangersimasinnaanissamut.

Pingaartumik Inuit Ataqatigiinniit oqariartuut nuannaartorineqarpoq nultolerance atuukkunnaartinneqarnera tamat oqartussaanerata aqqanik ingerlanneqanngitsaq, aammalu inuiaqatigiit taasitinneqarnissaannut peqataaniannnginnatta. Taanna oqariartuut populisme-tut oqariartuuteqarneruvoq. Nassuujassavara.

Nultolerance atorunnaarsinneqarnera inatsisitigut akuerisaavoq aammalu Inatsisartut 2013-mi tamat oqartussaanerata aqqani amerlanerussuteqarlutik taasippat. 2014-mi Inatsisartunut qinersineqarpoq. Demokraatit qineqqusaarutaasa ilaanni ima allaqqasoqarpoq:

”Nunarsuarmioqatigiit takutittariaqarpagut Nunarput ullormit ullormut aqunneqanngitsaq. Aningaasalersuisartut soqutiginnilersinniartugit aalajaassutsimik takutitsissaagut. Taamaamat assersuutigalugu uranimut akuersaangilluinnarnerup atorunnaarsinneqarnissaanik aalajangernerup atorunnaarsinneqarnissaa peqataaffigerusunngilarput. Siumut isiginissarput pingaaruteqarpoq”.

Atuarsinnaasatsit qulequtamut eqqartorneqartumut qanoq inissisimanerput ersarilluinnarpoq. Inuiaat Inatsisartunut isertut qinigaraat, uran eqqartorneqarnerani amerlanerussuteqartuusut. Imaannngilaq tamat oqartussaaqataanerata atorneqanngitsaq – akерlianilli ersarissumik tamat oqartussaanerata tassani atuutsinneqarpoq. Tamanna Inuit Ataqatigiit akuerisariaqarpaat. Aammalumi ataqqillugu.



Demokraatiilli tulluusimaarutigivarput Inuit Ataatigiit siunnersuummut unneqqarimmata. Inuit Ataatigiimmi namminneq matussusermassuk nultolerance atuutsinneqaqqilissagaluarpat inuiaqatigiinnut akisulluinnassasoq.

- Inuit Ataatigiit nassuerutigaat, namminersornerusut nultolerance atuutsinneqaqqilissagaluarpat millioniitilinnut taarsiiviginnittariaqassasut
- Inuit Ataatigiit nassuerutigaat, inuiaat taaitinneqarnissaat aatsitassarsiornermut immikkoortortqarfimmut sinaakkutinik kingunerluuteqarsinnanera.
- Inuit Ataatigiit Nassuerutigaat, kinguneqarsinnaasoq Kalaallit Nunaata aatsitassaanut piffissami aaliangersimasuni aningaasaliinissamut soqutiginninneq apparumaartoq tunaartaq nalornissutigineqarpat.
- Inuit ataatigiit nassuerutigaat, anginaasatigut ingerlaartitsineq apparpat inuiaqatigiinni atugarissaarneq apparatarsinnaasoq.

Demokraatit qujassutiginiarpaat Inuit Ataatigiit nassuerutaanut. Takutippaammi qanoq inatsisitigut akuerisamik tamallu oqartussaanerisa aqqanik Inatsisartunit aaliangersaaneq isornartorsiorniaraanni qanoq kingunerluuteqaratarsinnaanersoq.

Demokraatit angorusuppaat aningaasarsiornikkut, inuussutissarsiornikkut atugarissaarnikkullu ineriartorneq. Siunnersuummut akuersaarneq akerlinganik kinguneqassaaq.

Tamakku tunuliaqutaralugit siunnersuut itigartinneqarnissaa inassutigaarput.